

袁州府知府陳廷枚重輯

列女 貴后 壽母 貞烈 節孝

春秋去西京未遠貞淑之行何寥寥也名湮沒而不傳與刑于道衰所由來者漸矣

國家內治雍肅女士知以禮義自閑然居常履順非大有所庇以自托莫能顯名於後世遭變難而以節烈著傷已微顯聞幽人極賴之以立願不重歟書之以志風化之盛又以歎生逢

聖代者之何多幸也

袁州府志 卷二十七

列女 貴后

貴后

宋孝宗成恭夏后宜春人曾祖令吉吉水簿父恊后生有異光穿室及長選入宮侍懿聖太后閣中孝宗為王時夫人郭氏薨太后以后賜之即位進賢妃踰年立為皇后乾道二年命謁家廟宗族親屬推恩者十一人三年崩册謚安恭皇后攢會稽園陵慶元改謚成恭宋史后妃傳

壽母

明

中憲大夫袁軾妻黃氏宜春人有淑德奉寡姑二十餘年色養不懈季子業泗成進士官副使封恭人年八十業

酒告終養歸同兄濂扶掖恭入至庭前花下樂舞爲歡  
人其羨之壽百歲郡縣以聞詔建坊額曰清朝人瑞從  
孫繼咸刻有人瑞集通縣前志

清朝

資政大夫袁業汾妻周氏宜春人以季子繼咸官兵部侍  
郎封夫人夫人相業汾爲諸生茹荼主中饋翁姑皆年  
屆九旬夫人敬養不懈子咸筮仕年已六十餘矣家居  
飲食佩服如平時壽百歲縣志

何之鰲妻李氏萍鄉人壽百歲康熙五十五年建坊 旌

表額曰貞壽之門通志

袁州府志 卷二十七

列女 壽母

二

生員張紳妻郭氏萬載人生明崇禎十年迄

國朝乾隆元年壽百歲是年卒未及請 旌子明德有傳

龍存漢妻劉氏萬載人生順治戊戌迄乾隆丁丑壽百歲

年三十而夫歿養姑課子克盡其道乾隆十二年督學

金德瑛以貞操遐齡旌其廬

鄒惟先妻胡氏萍鄉人事翁姑克孝處妯娌以和乾隆二

十一年壽百歲有一知縣張牧以聞 詔旌建坊

黃堤八妻張氏分宜人生順治十七年屆今乾隆二十四

年壽百齡恭儉貞淑年二十八而寡矢志撫孤聖歸袁

氏無出立從子爲嗣知縣楊宏綱詳請 旌表

貞烈

元

龍均用妻陳氏萬載人至元三年兵亂被掠自刎死通志

陳九淵妻袁氏分宜人元季兵亂邑萬戶王同者聞袁美

殺其夫欲取之婦曰夫為我死我何以生遂自刎明一統志

明

孫氏女宜春人許聘陽遵哲陽當戍遼東父議別婚孫自

縊而死通志

常氏女名秀蘭萬載人年十七遇鄉賊欲辱之拒罵甚厲

賊磔之通志

袁州府志 卷二十七

列女 貞烈

二

孫氏女分宜人許聘里人歐陽騫洪武間騫當戍遼陽父

議他適即自縊且曰及吾夫未去使知吾無異志也通志

生員甘棠茂妻王氏萍鄉人崇禎丁丑十一月楚賊潰萍

夫婦被執賊欲污之王給曰夫在側且書生執之無用

盍釋之相從未晚也賊如其言携氏出城南過萍實橋

投江死賊平知縣程之敦親臨江為文祭之通志前志

劉一菁妻甘氏宜春人年十九而寡無子氏拮据葬夫服

除母家議改適甘曰我未讀書不知古節婦事但聞人

言忠臣烈女有死無二常心識之今惟矢守此語紡織

以終餘生雖之死無怨也四十餘年安貧茹苦如一日

請旌如制左兵掠郡甘被殺通志前志

廩生王道明妻易氏宜春人為左兵所掠牽其手易憤罵

曰吾手豈可污奪刀自斷之復曰何不速殺我遂遇害

事平遺府旌如例同時婦女如選貢彭汝明妻張氏生

員汝聽妻湯氏汝楫妻張氏俱以不從賊遇害通志前志

貢生李京妻劉氏宜春人偕子女避賊山中左兵搜獲之

劉知不免即叱罵求速死左兵百計窘逼終不可奪死

之通志前志

歐陽光繡妻劉氏蓉玉毋家安福年十八襁未暮兒歸寧

兵卒至蓉玉同毋王氏携兒急避後園園有沼騎排突

袁州府志卷二十七 烈女 貞烈 四

入 刀叱咤劉氏與母並嬰兒躍入水死之安福志分宜志

劉先四妻易氏 春人性貞靜癸未被左兵擄挾堅執不

從投清瀝江死又梁峻 植妻聞氏遭兵亂執之不屈死

通志

廩生潘鑿妻翟氏崇禎癸未左兵肆掠翟年甫三十挈幼

子避山巖兵圍之翟度不得脫奮身巖巔投石擊賊毒

罵不絕口兵索之愈急乃置子茅蒿中引刀自刎死通志

宜春志

陳壽妻某氏分宜人未成婚壽得癩疾其父托媒辭絕女

泣不從竟歸壽壽以惡疾不敢近女事之三年不懈壽

劉而寬妻王氏宜春人避兵集雲鄉爲寇所獲投六口江而死

歲貢張鴻嘉妻王氏甲寅棚寇猖獗六月兒出奔遇寇脅之不從赴水死寇持其兒去後十八年父子復合縣志恩貢嚴一桂繼妻賈氏其先金陵人隨父家於燕京一桂納爲繼室會明季劇寇雲擾所在鋒鏑梗途一桂子身南歸與賈以暮年約既逾期都城遂陷其母屢逼以他適且曰滄桑至此嚴公子存亡安知乎賈以死拒母命截髮矢不二天屹不能奪

國朝定鼎後南北道稍通賈易男子服裝走數千里歸里

袁州府志 卷二十七

列女 貞烈

六

門鄉黨皆詫歎爲奇女子既歸執婦道維謹服勤安儉嘗親炊糜賑饑助一桂成義舉貞操淑行當代競歌咏其事新城司成魯瑗爲之序子開禧開祐刻藏於家以孫宗詰貴一桂贈如其官賈爲恭人

李賦秀宜春本占春之女許字劉士生未嫁而夫夭女年甫十三父議擇所適賦秀曰吾業以身許劉豈容更適父曰女何依荅曰嫁從夫不嫁從父母禮也堅貞守志年四十五卒

鍾毓沆未婚之妻黃氏春姑分宜人幼讀女箴及烈女傳即解從一而終之義將及笄聞夫疾故誓不欲生免父

運舅姑親言淚血欲殉柩傍強之歸閉戶自縊乾隆二  
十年巡撫旌匾

王豐臨妻張氏萬載人夫以苦讀致疾張禱天願以身代  
迄大漸豐臨含淚哽咽張識其意遂把袂誓曰脫不幸  
願相從地下豐臨即瞑目而逝張淚盡繼以血強起營  
殯塋畢是夜投繯而死年方二十三

唐二儀妻方氏萍鄉人年二十八二儀病危方日夜禱以  
身代竟死號呼曰蒼蒼負我我將從夫矣引刀割其喉  
未殊死家人給以夫復甦傳以藥強起覺其偽手扶創  
處而絕

袁州府志

卷二十七

列女 貞烈

七

節孝

元

張寶實妻敖氏萬載人元末舅姑與夫俱被紅巾之難敖  
年二十餘無子撫從子為嗣訓誨成立守節靡他洪武  
中旌表 通志

甘希魯妻鄧氏萬載人希魯死鄧年二十遺腹一子家貧  
織紵矢志撫孤 通志

明

李奇三妻張氏萍鄉人年二十三守節洪武中旌表 通志  
楊伯憲妻周氏宜春人年二十四伯憲以同知蔚州卒於

官周護喪歸塋遺腹一子周撫教成立孝養其姑二十餘年如一日年八十三卒正統初旌明一統志

監生易相妻張氏宜春人年二十七無子守節孀居四十餘年通志

鄧氏安福會憲鄧秀女年十九歸分宜歐陽鳳鳳歿無嗣守節自誓宏治中旌表通志

生員李慶鍾妻周氏分宜人年二十餘夫亡無子父黨欲議他適誓死不移旌表通志

生員劉禹妻蕭氏宜春人年二十五禹卒矢志守節撫二孤成立正德間旌門通志

袁州府志 卷二十七

列女 節孝

彭秋妻歐陽氏宜春人年二十六夫亡無子姑欲奪之以死自誓守節四十年被旌通志

周大甫妻張氏萬載人年二十一夫亡無子立從子為嗣有富民欲奪其志者婦以死誓嘉靖間詔旌其門通志

生員鍾伯良妻袁氏萬載人年十八歸鍾逾年伯良卒遺腹生子美翁欲奪其志夫兄弟交誼袁以死誓未幾夫

兄弟相繼卒妻皆改適而袁剪髮毀容持之毅然撫孤以事舅姑美後舉明經知縣畢懋良以聞詔旌表通志

萬載張梁繼室雙氏貴州雙堅女也年十八梁赴知江州任娶焉生男以宗梁致政歸尋卒有富民謀奪其志雙

引刀刺四字於臂曰誓以死守族屬疑築富宦囊以他故誣以宗繫獄氏變產以脫母子伶仃安之恬然以宗

舉鄉試詔旌門

通志前志

廩生譚瑩妻涂氏萬載人年二十五夫歿無子守節至六

十歲院道表其門

前志

龍應時妻袁氏萬載人二十三夫亡毋謀奪其志即引刀

削髮斷指悉以奩資置公田不私其有家衆百口感而

同爨孤並為邑諸生年五十六完其節

兩溪集前志

生員何春妻李氏宜春人春亡李年二十二誓不他適撫

孤以有立

前志

袁州府志 卷二十七 列女 節孝 九

郭靄妻彭氏宜春人年二十六靄亡撫二孤守節歷五十

餘年大僕寺丞孫進以其事聞詔旌之

通志

易恬妻歐陽氏宜春人年二十八恬亡撫孤守節夫姑兩

喪苦心殯葬萬歷五年旌表

通志

生員楊應藿妻趙氏應槐妻黃氏分宜人趙年二十黃年

二十一夫亡俱無子甘貧茹苦六十餘年萬歷中旌表

通志

周曉妻曾氏分宜人年二十四曉亡撫遺孤守節歷七十

餘年萬歷十三年旌表

通志

本遂妻陳氏名成貞萍鄉人年二十七守節撫孤壽八



廩生朱鉅妻蘇氏宜春人年二十餘夫亡無子鉅兄弟欲強之他適蘇誓死不從有部郎聞欲娶之蘇嘆曰吾無庸生奚庸富貴吾能舍彼兩髦哉家無餅粟孀居五十年至七十五而卒 通志

侍氏江南人宜春孝廉楊以正繼室年二十三而寡守節自誓壽七十八按院屢旌其節 通志

生員楊嘉賓妻韓氏萬載人年二十二孀居孝以事姑儉以教子年八十卒 前志

廩生辛子美妻甘氏萬載人年十六夫亡守節紡績事姑 袁州府志 卷二十七 列女 節孝 十

非女流不出見歷四十年 通志

貢生周德昌母汪氏宜春人年二十五孀居訓子壽躋九十又同邑鄧櫻妻丁氏生員郭宏敷妻辛氏楊嘉賓妻

彭氏皆夫亡守節壽八十餘 通志

生員彭煥妻徐氏萬載人夫亡遺孤四歲無以為生勤女紅以養舅姑年六十有五屢經院道獎賞 縣志

生員彭信古妻葉氏萬載人年二十三守節孤稍長篝燈授書紡績課讀邑人賢之 通志

辛應宸妻宋氏萬載人年二十一夫病革撫宋泣慰宋應聲泣曰夫死吾亦死夫哽咽復以完葬撫孤勉之宋唯

唯卒如其志年近七十終旌表

通志前志

生員歐陽餘慶妻聞氏萬載人餘慶以孝毀死聞守節事

姑生養死葬盡其孝敬撫子成立旌表建坊

通志

袁繼宏妻鄒氏宜春人年十四歸宏十六舉子宏以省試

弗第感憤成疾死鄒欲以身殉祖姑黃挹孫泣曰若從

夫死誰為養老鞠孤者乃強起勵志富人謀欲奪之鄒

引刀誓死姑力救乃免後祖姑與翁繼殞竭力舉喪獨

養其姑者九年崇禎間旌表

前志

吳嘉佐妻潘氏萬載人年二十三夫亡踰月生子事姑撫

子年七十終旌表

前志

袁州府志

卷二十七

列女 節孝

十一

生員張文綽妻彭氏萬載人年十八夫殞撫孤讀書有欲

奪之者嚙指自盟至老不出閨門

前志

增生贈御史黃夢龍妻趙氏分宜人夢龍早卒趙甘貧守

一節子希憲成進士歷官少司空趙享年八十同時黃夢

麟妻潘氏黃夢豹妻鍾氏悉早寡守志三節同堂希憲

疏請於朝詔旌表

通志

李末芳妻彭氏萬載人年二十夫亡家饒於貲多求娶者

彭截髮盟曰婦再醮生何面見人死何面見夫誓死不

從立從子為嗣年六十終

前志

紹文妻周氏萬載人年十九夫亡遺腹一子養孤娶婦

子婦復連喪撫孫以有立年九十請旌通志前志

生員張鉉妻鍾氏萬載人年二十五孀居為南解所累產

盡鬻去甘貧紡績以支門戶姑壽終喪葬盡禮年六十

一請旌通志前志

生員潘朝賓妻易氏宜春人年二十一夫亡舉遺腹子茹

茶飲藥日紡績以奉翁姑守節三十五年子荃長厚醇

謹能不愧彛訓云縣志

袁汝棟妻鮑氏萬載人年二十三夫死孤甫週晬家貧守

志惟辟纊課子又同邑龍三榜妻吳氏年二十六守節

龍以會妻蘇氏年十九守節通志

袁州府志卷二十七 列女 節孝 十一

歐陽體信妻周氏萬載人年十七于歸未五載夫亡無嗣

周節義自守田業悉散給親族年七十五終前志

生員李廷璋妻嚴氏分宜人年十七歸廷璋二十生子天

亡矢志撫孤拮据紡績順治壬辰巡按張公嘉旌其門

前志

王道成妻柳氏萬載人年十五歸道成舅歿姑病牀褥三

年衣食浚溺躬親洗滌年二十夫亡撫子以有成癸未

山寇竊發誠其黨毋入王節婦廬壽七十終通志前志

劉和積妻袁氏宜春人年二十二守節撫子芳聲僅二歲

癸未遭賊不辱而死媳楊氏年二十四芳聲沒撫遺腹

子人稱一門貞節 通志

生員袁士賓妻李氏分宜人夫亡上事舅姑下撫孤子孀居五十餘年壽九十 通志

周志立妻易氏宜春人年十九夫亡代供子職撫孤成立

崇禎戊寅旌表 縣志

廩生譚堯化妻簡氏主簿鄧以澄妻王氏監生吳應殿妻

王氏皆萍鄉人矢志撫孤患難不渝 縣志

袁士可妻鄒氏宜春人年十八夫亡孤俞臣僅二歲所親

微諷曰此甄甄者足恃乎鄒泣曰為夫撫孤義與孤存

一亡毀容劬身不易其志其訓子先躬行後文藝可俞有

袁州府志 卷二十七

列女 節孝

三

聲庠序間鄒後膺旌表 邑上文集

生員趙璧妻宋氏分宜人年二十四璧亡二孤一遺腹撫

育勞瘁茹苦勵擇鄉黨稱焉 通志此作劉璧從嘉靖志改正

生員辛啓夏妻龍氏萬載人年二十夫卒遺孤近週時氏

痛哭求死姑勸之曰若死如吾老何如孤幼何龍忍死

養姑脫簪珥延名師孤有過輒杖不恤 前志

生員袁開美妻梁氏萬載人廣西督學嘉植妹也年二十

夫卒孤甫二週梁毀容奉姑長齋禮佛訓子以有成 前志

辛明臣妻甘氏萬載人年二十六夫故守節撫孤年滿卒

辛良臣妻藍氏年十九夫故撫遺腹子守節四十七年

卒 補遺

國朝

范僕妻余氏宜春人年二十夫亡遺孤甫六月橫逆頻侵

竭廢門戶教子補諸生

旌表

通志 縣志

盧應肇妻晏氏宜春人年十九夫亡孤衡甫朞翁姑先

逝笈笈子立訓子成名守節歷五十年

縣志

生員嚴克讓妻袁氏分宜人年十六歸嚴夫亡子甫六月

姑老且病氏矢志堅守事姑弗替訓子有成督學蔡旌

匾云貞操茂祉

縣志

廩生卒承頊繼室張氏萬載人年十六歸頊頊有才名嘗

袁州府志 卷二十七

列女

節孝

十四

與張論節烈事甚契洽撫前室子如已出頊病月餘焚

香祝天剝股以進頊沒張欲身殉眾以夫命撫孤勗之

始勉存時年二十二守節四十餘年延師課子俱成立

雍正十年

旌表

縣志

訓導易嘉男妻劉氏宜春人貞靜寡言笑年二十九守節

一壽九十子尚行歲貢

縣志

簡應薦妻周氏萍鄉人事姑孝夫沒子幼誓以節守年六

十而卒

前志

孝廉朱光祺妻張氏宜春人從夫避亂備嘗艱辛祺卒勤

針指以度日食終其身光祐妻楊氏亦年二十二守節

子應斗以孝聞 縣志

郭祚升妻辛氏萬載人年二十四升亡氏哀痛欲絕既念

翁姑年老二孤幼穉矢志守節送往事居無不如禮長

子岡拔貢華亭知縣督學李鍾僑匾曰玉節開禧 縣志

何思牧妻游氏宜春人善事舅姑夫死守節年九十三卒

生平好施子賑荒多所全活 縣志

劉家龍妻張氏萍鄉人年二十二夫歿家益貧張撫棺痛

哭曰亡人無嗣猶有母妾當誓死無二竭力養姑內外

無間言 前志

生員楊榮妻嚴氏宜春人孝廉尚義之母也甫及笄于歸

袁州府志 卷二十七 列女 節孝 十五

數載而榮卒訓子義方卒以有立 縣志

彭良六妻夏氏宜春人年二十一夫亡矢志撫孤閱六十

二年乃卒常助修橋梁以便往來里人頌之 縣志

袁文達妻譙氏萬載人年十六歸達達業岐黃勸以廣積

陰德無計財利二十四達亡家徒四壁譙米糲自矢中

外百端撼惑不為動孝慈忍讓隣里稱賢 縣志

生員郭鍾榮妻龍氏萬載人善承夫志紡績佐讀榮以博

學聞榮卒龍年二十三即欲從夫地下諸母沮之謂舅

姑靠養孤兒待哺徒死何益乃不果守節終其身 縣志

致聖妻彭氏宜春人年二十夫亡子幼堅持節操壽躋

八十縣志

傳誥妻錢氏宜春人年二十五夫亡守節四十六年縣志

陳之麟妻榮氏萍鄉人年二十七夫亡孀居五十餘年壽

八十縣志

李廷林妻周氏宜春人夫早亡偻嘗茶苦勤紡績以供舅

姑雖當兵燹災荒敬事不怠縣志

廩生陳涇妻張氏宜春人司寇承詔女孫也性貞靜不以

富貴驕人相夫子有鷄鳴戒旦風故涇雖屢躓秋闈而

才名甚著夫亡後守節三十年子忠道選貢生縣志

李文雅妻彭氏萬載人年二十夫歿斷指捶胸幾不欲生

袁州府志 卷二十七 列女 節孝 六

遺腹誕一子誓志自守後子又歿艱苦備嘗撫育諸孫

俱成立守節七十四年縣志

易道明妻郭氏宜春人通四書小學知義理年二十四夫

死遺孤甫二歲守節三十六年年六十卒縣志

袁蘇九妻梁氏宜春人當張寇猖獗時縱火焚廬蘇九驚

而出旋念母棺在堂入室救護為賊所害梁二十六痛

夫死非命矢志教子子復夭與婦鍾氏兩世孀居紡績

自活梁氏年踰八十鍾氏苦節歷四十年縣志

生員易象吉妻翟氏宜春人年二十三夫死長子甫三歲

翟多方教訓弱齡遊庠未配而夭撫其次子艱辛萬狀

年七十一卒 縣志

易耀明妻彭氏宜春人年二十六苦節自守撫二孤有成  
年五十一卒 縣志

李存幹母潘氏萍鄉人年二十九喪夫養姑撫子紡績是  
資壽七十三而終 縣志

廩生梁巨植妻張氏宜春人年二十四夫亡矢志守節子  
程甫六歲教之成立膺歲薦張年五十四而卒 縣志

劉孔三妻何氏宜春人山姪女也左寇猖獗孔三沒於賊  
何年甫十八以死自誓孝事翁姑撫教孤子孀居六十  
餘年壽八十 縣志

袁州府志 卷二十七

列女 節孝 七

郭邦相妻宋氏萬載人年十九邦相卒遺孤僅數月奉養  
翁姑長齋繡佛父其貧莫能給迎養於家始終弗替雍

正十一年 旌獎 縣志

樂宗夔妻彭氏宜春人夔樂善好施予不幸早世彭年二  
十二孝事姑王氏撫孤有成年七十二卒 縣志

劉祖漢妻楊氏宜春人年二十二夫亡遺孤之桂甫兩月

長齋訓子卒年六十六 縣志

夏之璉妻徐氏宜春人年二十五夫亡守節撫孤壽踰七

十 縣志

傅道行妻易氏宜春人年十九夫死疊遭兵寇家業蕩然



勤紡績以教其子至老彌堅縣志

楊宗孟妻劉氏宜春人年二十守節歷三十八載雍正六年

年旌表通志

陳旦明妻吳氏宜春人家貧守節紡績養姑同邑周儉妻

劉氏撫孤守節並歷四十五年雍正七年旌表通志

舉人宋繼種繼室朱氏萬載人年二十三夫亡欲以身殉

念夫永訣時以前室子女併已一女二子為囑且謂嫁

女量吾資可也惟教子不可不勉朱泣識之矢節五十

餘年教諸子力學遊庠卒年七十六縣志

施德洋妻喻氏萍鄉人年二十六夫病將革謂之曰我死

袁州府志卷二十七

列女節孝六

汝必嫁不然無從得食喻曰妾復何須得食夫領之勗

以事母撫孤孤成婚而天遺腹舉孫值吳寇犯萍匿窰

穴中強暴突至伏蔓草而脫遭奇荒啖草茹糠而事姑

無缺於養年六十九而卒守節四十九年乾隆二十四

年請旌縣志

曹繼周妻湯氏萬載人年二十五夫故姑病瘵湯朝夕不

離左右撫孤有成守節四十年題旌

鄧震妻湯氏萍鄉人年十七夫亡髡髮毀容不茹暈酒事

舅姑盡禮教子有法助修橋亭無吝色旌表

郭文煒妻張氏分宜人夫亡誓以身殉姑諭曰八旬老翁

九月孤兒舍汝將安托乎張痛心強自存活數十年終  
翁姑養撫兒成立雍正六年詳請入祠

鄧培英妻蔡氏萍鄉人夫亡年甫二十舅姑老子幼勤紡  
織以供事育痛父無子生養死葬悉身任之 旌表

張致浩妻袁氏分宜人青年夫亡貞一自守孝事舅姑撫  
其子成立雍正十年 旌表

劉殿邦妻易氏監生陳德澧妻彭氏俱萍鄉人易年二十  
四彭年二十八守節居常言笑不苟訓子婦以義方常  
推紡績餘資助里黨之貧乏者 旌表

生員張世峻妻鍾氏分宜人父為帥府幕挈家遇盜鍾奮

袁州府志

卷二十七

列女 節孝

九

身躍入湖中得不死父母奇之擇所適歸世峻峻字坤  
喬故明司寇承詔曾孫有雋才未弱冠即以詩文名力  
學攻苦年二十四卒鍾痛甚引錐刺一目目眇誓以死  
守孝事舅姑撫幼叔有恩世峻遺詩曰二二集集以紀  
年且懲數奇而易之以偶故名鍾手為編輯屬小叔世  
城丐序於當世知言者梓以行世人以鍾賢明有禮為  
不愧女師云雍正十三年 旌表

何鏜妻陳氏萍鄉人夫亡年甫二十矢節撫孤孤以應童  
子試復天繼從子為嗣如已出待族黨有恩 旌表

彭錦妻樂氏宜春人年二十守節孝事翁姑撫幼孤成立

乾隆九年 旌表

喻照夫妻李氏萬載人年二十八夫亡守節乾隆十三年  
題 旌

生員俞奎章妻黃氏萍鄉人年十五于歸十二年夫與姑  
俱病黃竭力調護姑沒三日夫以毀卒無兄弟可恃躬  
營殯葬如禮擇邑士之文行兼優者為子師 旌表

貢生李搢繼妻謝氏分宜人年二十六而寡撫六月兒素  
服終其身篝燈績紵為課讀資雖戚屬罕見其面乾隆  
二年 旌表

何學聖妻劉氏萍鄉人年二十五夫亡課二子皆列庠序

袁州府志 卷二十七

列女 節孝 二

非應試納糧毋得入城市子孫雖童年不敢袒裼其側  
族黨服其家教 旌表

生員宋啓洙妻敖氏萬載人年二十適洙洙有潔癖終歲  
館於外雖成婚三載若賓客不入臥內洙歿無所出教  
守節終身撫從子為嗣乾隆六年題 旌

鄧錫鯨妻施氏萍鄉人年二十四守節貧如洗姑病瘋癱  
服事不離左右孤亡撫繼承祧 旌表

袁梅妻郭氏分宜人于歸三載而寡念病姑無依孤兒莫  
撫茹荼含藥勵節不渝者數十年雍正六年詳請入祠  
生員聞光裕妻宋氏萬載人年二十二而裕歿撫遺孤清

捺自勵事姑惟謹喜解推隣里有所求輒與人稱慈惠  
乾隆七年題旌

郭鍾才妻宋氏萬載人年二十二而夫亡家貧無子舅老  
多病宋勤紡績供酒食甘心自守不易其志撫從子為  
嗣隆師課讀俾成立乾隆八年題旌

生員黃紹中妻林氏分宜人于歸八載夫亡誓相從地下  
其隣人勸之曰汝夫無子有母汝死毋將何依由是忍  
死奉姑撫繼承祀以淑慎慈惠聞於鄉乾隆九年

題旌

生員郭邦瑞妻巢氏萬載人于歸三載而夫歿遺孤二歲

袁州府志

卷二十七

列女節孝

三

瑞祖父母及父母俱在巢事之得其歡心未幾子亦歿  
撫幼孫成立乾隆九年題旌

羅文繡妻謝氏宜春人幼純篤年十六歸羅事舅姑如禮  
年二十五夫文繡歿子幼氏痛不欲生立志矢節斷髮  
不出中門祭祀必潔訓子惟謹性樂施予有楚人自閩  
載父柩過袁乏費自縊城隍廟未殊死氏聞延醫活之  
資銀五兩令買舟歸守節數十年始終如一乾隆十二  
年題旌建坊

生員鮑大本妻郭氏萬載人年二十夫亡郭養舅姑撫孤  
惟勤乾隆十六年題旌

楊光賢妻李氏萬載人成婚一載夫故貧無子隣婦勸其改適李氏取剪刀破面流血自是人不敢言事姑終養撫繼子成立乾隆十七年 題旌

趙繼顏妻張氏分宜人青年矢志舅姑老家貧織紉操作無間日夜居喪祭葬如禮撫襁褓孤兒以有成乾隆十七年 題旌

辛汝俊妻王氏萬載人年十八成婚半載而俊故無子舅姑俱歿祖姑憫其少也命改適王矢志不移立繼以存宗祀乾隆十八年 題旌

生員歐陽信妻王氏分宜人幼嫻母訓年十七于歸事姑

袁州府志

卷二十七

列女 節孝

三

執婦道惟謹八載殞所天哀毀異常擇猶子為繼督課甚嚴娶婦後即命兒媳總理家事閉戶持齋親族罕見其面乾隆十八年 題旌

鍾琳妻曹氏分宜人歸琳三載琳歿養翁姑撫孤兒金石之操始終勿渝同邑王昭鏞繼妻金氏俱矢志守節建坊 旌表

唐開摯妻辛氏萬載人年二十三夫故有女二無男產盡絕富者議娶之不可人勸曰爾家本支盡矣又貧甚誰以子繼汝卒曰吾之不死者正為此數世木主祀不忍自我而斬吾日進一柱香了吾願足矣不知其他兒繼

攀懼其不克終也猶難之氏曰倘改志貽汝羞則沉余於河攀曰能如是善甚適族人生孩二月毋病卒育以糜粥乃有嗣生員唐開仕憫其苦節予田八畝貢生卒金銳予田三畝乃有養生員郭邦升予基地一畝作室乃有居乾隆二十一年 題旌

周嗣名妻張氏萬載人年二十一夫亡病姑在牀艱於度日張灌園以供菽水遺孤維熙成婚復亡婦王氏二十四歲守節或諷之曰貧如此何以為生日未亡人死固其所也老姑穉子在堂委而去之何以見亡者地下兩世孀居完節乾隆二十四年請 旌

袁州府志

卷二十七

列女 節孝

三

生員楊邦吉妻王氏分宜人孝事繼姑克盡婦職夫亡歷四十年勤紡績以課其子長子師淵貢生仲子師游以選拔歷任知縣事聞 詔旌之

譚相高妻顏氏萍鄉人年二十二相高卒守節三十八年乾隆間奉部給匾獎之

李道涵妻施氏萍鄉人年二十道涵卒無子翁姑勸其改適弗許父兄且欲奪其志遂毀髮膚示不移撫猶子以為後苦節四十五年今有司以建坊請

黃鵠妻彭氏萍鄉人年二十四夫亡孤甫週碎紡績以養舅姑守節二十六年卒子一存恭娶鄧氏早死鄧以繼

姑志保其道孤甘淡泊歷四十餘年人稱一門雙節督學給匾表之

何天沛妻李氏萍鄉人年二十二歸何前一月而夫卒以節自勵迄成其志督學嘗旌其閭

習皆啓妻羅氏分宜人年二十三子甫週遽失所天痛幾絕念子幼姑逾六旬矢志守節家徒壁立勤十指以資薪水督學何旌其廬曰德懋松操訓子文沐動遵禮法婦道毋儀樹範閭門年九十一卒

李芳廉妻蕭氏分宜人年十九夫亡二月遺腹生子矢志撫孤未幾子復夭撫從子為後邑士公籲督學張旌其

袁州府志

卷二十七

列女 節孝

三

閭

監生嚴宗堡妻黃氏分宜人年二十九夫歿勵節持門戶撫二孤課督如良師風操凜肅尤明達大義濟困急難里黨服其高行學使張映辰額旌其閭

傅帝寵妻李氏分宜人年二十一夫歿守節撫夫兄子為嗣十指佐生茹苦自勵督學張旌其廬生員傅聖寵妻鍾氏年二十七夫故矢志守節撫孤有成太守旌之

生員袁楫妻李氏大姚知縣松生女幼習禮訓年十六歸袁十八夫歿一子未週晬李日夜號泣無生理父諭之曰汝夫一脉繫汝是賴忍以一死謝責耶乃飲痛縱命

撫孤讀父書有立奉事繼姑戚黨稱其孝督學李鍾僑  
題額旌之

生員何之梗妻吳氏宜春人子斫甫二齡之梗物故吳年  
二十五姻黨勸其改適泣曰二老在堂誰為死者任之  
人無敢復言養生送死鬻產之餘佐以十指奉列表其

閭曰清標彤管

廩生嚴開貽妻黃氏分宜人年二十四夫故翁姑俱前歿  
無他子黃勵節苦守以紡織佐養祖姑撫二孤襁褓中  
經涉險難卒以成立冰操懿行翕然稱族黨間隣嘗有  
一盜警戒無驚節婦家火及舍自滅咸以為節孝所感督

袁州府志

卷二十七

列女 節孝

三五

學金德瑛追旌其門曰貞節女師

黃廷珍妻袁氏分宜人十八歸黃又十載而寡遺一子方  
二齡窘不能自存日傭針指奉翁姑無缺禮撫孤有成  
冰操四十餘年督學趙大鯨旌其行

廩生鍾恒妻黃氏分宜人年二十七夫故氏事翁姑如禮  
教子成立鄉俗多溺女者挹以歸滅膳哺之月餘以歸  
其母餼之粟遇女沉好陳說古今果報事守節六十二  
年卒督學兩旌其閭

生員陳奇璜妻袁氏宜春人寶慶知府一鰲女孫貞靜嫻  
內則歸陳十載無所出出奩資為夫買妾生男甫三齡



奇璜歿袁年二十九偕其妾李氏同心矢志雙節凜然  
袁年六十卒妾年七十八卒子宏燠恪遵母訓言動醇  
謹舉鄉飲正賓

王邦聘妻陳氏萍鄉人年二十一邦聘卒守節五十餘年  
卒

生員陳維機妻劉氏宜春人遭甲寅寇變維機之伯母被  
殺機亦死之劉年二十八清操撫孤且知書課讀機孀

旁毋兼父師卒年七十二

吳楚勝妻陳氏宜春人年二十四夫亡甘貧守節子早卒  
撫其孫以養餘年年七十九卒

袁州府志 卷二十七

列女 節考

敖維漢妻辛氏萬載人識文藝年十八歸漢甫一載後母  
命漢往長沙貿易死服闋命辛改適辛曰吾不能使夫  
讀書成名以利故死千里外冷骨未歸無後又如是而  
嫁後何顏見死者地下姑歿年五十一挈夫姪從行尋  
夫骸歸葬祖墓側年八十五卒於除歲之日自題云愧  
無好句辭殘臘幸有清身對死夫

劉禮五妻王氏萍鄉人年二十三禮五卒無兄弟無子女  
惟八十老翁在生事死葬拮据身任饗殮恒不給其父

王以則常調恤之苦節四十二年卒

張友石妻李氏宜春人年二十七生子甫八月夫歿邑士

某聞其賢欲娶之父以美言勸之氏曰苟富貴生寧貧  
賤死竟守志不移孝事翁以壽終典衣飾置棺營葬撫  
其子不為姑息愛夜深紡績課讀少假寐輒涕泣責之  
有古賢母風

袁振翮妻黃氏宜春人年二十一生子甫四旬夫歿夫為  
江督繼成曾孫自成死國難後貧寒三世黃忍饑不為  
浮言動紡績教子起宗為選貢生得舉孫而媳遽天及  
老中饋井臼勞瘁依然年七十有九卒

吳三汲妻賀氏萍鄉人年二十四三汲卒無子奉養老姑  
撫從子承祧守節三十七年卒

袁州府志

卷二十七

列女 節孝

二十七

袁振殿妻鄒氏宜春人年十七生子八月夫死家貧撫孤  
甫有孫其子又歿兩世孀居年五十九卒

陳廷輔妻袁氏宜春人年二十夫卒二子俱幼家貧甚紡  
織以事舅姑教子成立年六十二卒

生員劉仕騏妻易氏萍鄉人年二十五仕騏卒事翁姑克  
孝育孤子成立守節五十九年卒年八十有四

生員胥必捷妻盧氏萬載人年二十四而寡夫家及母家  
俱無兄弟時翁姑已先夫歿未厝歲復大祲盧艱苦備  
嘗竭力營祭塋如禮撫教三子俱成立年七十一卒  
卒必甘妻游氏萬載人事後姑以孝聞歸二載甘故子僅

一歲夫弟妹二人甫五六歲兄弟憐氏貧甚勸改適游  
不從後姑歿復為言游曰吾家兩世二子一女皆幼倚  
一婦人吾又去姑子女必饑死吾死不足惜其如此撫  
牀繞膝者何兄弟感激不復言年五十五卒以清操著  
梁尚中妻楊氏宜春人年二十三尚中歿無子誓不欲生  
姑哀慰之勉應命門庭肅如撫猶子為嗣卒年五十七  
劉鳴鳳妻黃氏萍鄉人年二十四鳴鳳卒姑老目昏不見  
物兩子呱呱氏忍死俯仰周旋朝夕以舌舐姑目目獲  
明里豪某假灌田說將鑿池於鳴鳳塋後氏度力不敵  
奔墳前號哭適風雨大作水湧沙泥夷其池某驚疑以

袁州府志

卷二十七

列女

節孝

三

為神遂止守節二十九年卒

夏之寅妻陳氏宜春人年十八夫歿撫一子守節奉姑以  
孝養聞年八十有五卒

生員聞同升繼妻徐氏萬載人適聞二載生子半歲升病  
危告徐曰吾家貧甚爾青年毋矯守以自苦徐曰汝常  
言無後大不孝今三娶始舉一子如吾去一綫何托吾  
惟以死守之升歿徐傭刺紡績日啜粥以撫孤守節五  
十五年卒

李慕暘妻易氏萍鄉人年二十四慕暘卒遺兩幼孤姑病  
艱步履樞停於家遇鄰火勢將及氏令婢攜老姑及

二子於他所而自守樞火竟不之及

生員梁士翔妻黃氏宜春人年二十一士翔故遺腹生子  
守節撫孤年六十三卒

姚淑祉妻彭氏祉弟淑禧妻宋氏淑祥妻文氏萍鄉人家  
貧無立錐父前卒三人已析爨俱中道天三婦復合以

養老姑數十年各一子均視如已出彭氏年二十四守  
節宋氏年二十六文氏年甫十九俱年滿卒

生員李士裕妻何氏宜春人年二十九士裕故舅姑老子  
幼有無鬲勉稍餘則以恤里黨之貧者卒年六十子謹

亦早世妻何氏年二十五矢志撫孤迄四十八歲卒  
袁州府志 卷二十七 列女 節孝 三

生員陳維璧妻何氏萍鄉人年二十六維璧卒奉姑育子  
守節三十九年卒

節際泰妻汪氏萬載人泰繼伯父為嗣汪年二十二夫故  
家貧父母欲令改適汪曰吾不忍使為人後者無後撫

其遺孤守節年滿卒  
李毅妻楊氏宜春人年二十二夫故矢志守節持家教子

一以忠厚年滿卒  
熊之初妻李氏萍鄉人年二十七之初卒奉老姑晨昏不

懈撫孤成立守節三十年  
龍護佑妻潘氏宋啟雲妻鮑氏萬載人年俱二十八歲夫

故甘貧守志以壽終

生員饒天眷妻姜氏宜春人年二十五夫故勵志撫孤自甘淡泊周濟困乏無吝色卒年五十六

劉授君妻王氏萍鄉人年二十六授君卒家故貧紡績以事舅姑撫兩孤得舅姑歡守節三十年卒

盧冕妻蕭氏宜春人年二十五舉子三夫歿家貧守節事舅姑養生送死惟取給十指年六十七卒

歐陽先妻宋氏分宜人明季諸生值鎮兵殘掠鄉邑義不受辱罵賊死宋年二十八痛欲以身殉繼念翁年高子光緝方數齡乃強起為宗祀計日夜嚙指泣血撫循孤

袁州府志

卷二十七

列女 節孝

二十

兒訓以大義述下慈惠而節操嚴凜持門戶稱女丈夫嘗有僉報之令光緝幾籍農民賴毋奔訴得脫其他內患外侮瀟加荼蓼中卒銷彌捍禦克保無事守節四十年至六十八乃卒給諫歐堪善作貞松篇紀其事光緝後以明經任南城教諭

周世點妻藍氏譚聖仁妻潘氏萬載人年俱二十六夫故家貧撫孤守節四十餘年卒

王炳俊妻易氏萍鄉人年二十六炳後卒事翁姑教子成立勤儉淡泊苦節三十九年卒

生員盧鳳藻妻何氏宜春人年二十六夫故遺孤甫四齡

撫之成立守節四十九年年七十五卒猶子之揚亦早  
世妻傅氏年二十五守節養姑以孝聞卒年五十七  
嚴雲華妻鍾氏分宜人貌寢不為夫所悅結褵後舉一子  
以客死鍾年僅十九貧且無依有勸以他適者且哭且  
拒之抗節撫其孤兒金石之操歷五十餘年如一日  
何源妻易氏宜春人年二十二生子甫兩月夫故矢志奉  
養舅姑祭葬如禮撫其孤有成年七十卒  
龍國伋妻賴氏王功協妻單氏吳必彩妻易氏萬載人年  
俱二十四夫故家貧撫孤守節三十餘年卒

庠生張學渠妻李氏年二十五歲夫歿不欲生翁姑勸勉

哀州府志

卷二十七

列女 節孝

三

下撫七月孤兒上事高年翁姑茹荼飲水年四十六卒  
趙廷柯妻歐陽氏分宜人年二十三歲守節家極貧長子  
甫四齡遺腹子三月始生氏勤紡績歷三十餘年教育  
二子成立同族庠生趙三錫妻彭氏事繼姑撫幼子趙  
廷槐妻劉氏守節五十年俱青年矢志始終不渝  
彭曰仁妻鄒氏宜春人年二十歸彭僅二載曰仁故哀毀  
欲從地下家人議為立嗣廼強起撫伯氏子以奉夫祀  
家貧拮据衣食孀居至老未嘗苟言笑年六十九卒  
鄭其昌妻張氏萍鄉人年十六其昌卒孤甫二齡迄就外  
傳時使人語傳曰無父之子其嚴督之無即於非夫况

之妻早沒撫其遺孤如已出孤亦事之如母迄死無間  
言  
恩詔賞給絹米壽終八十有三

彭琳妻盧氏高秉鐸妻宋氏萬載人年俱二十二夫故矢  
志撫孤俱守節四十九年卒

彭應時妻韓氏萍鄉人應時貧甚韓勤紡績慮夫將以貧  
故廢業婉規之食常乏衣藍縷無怨容年二十五應時  
卒遺三子家愈窘累日不能炊積紡績所獲飽諸孤以  
麪糲為粥自飲子稍長使鬻米於市作生計更積之為

袁州府志

卷二十七

列女 節孝

三

兩子婚娶率兩婦紡績以為常子若婦皆和睦無間言  
聞人家庭有相詬誶者謂子若婦曰彼以衣食足故致  
此汝曹勿羨矣苦節三十五年卒

傅宗軻繼室王氏宜春人年十九夫歿貞操矢志撫元配  
子如所生卒年四十七

袁湧妻彭氏宜春人年二十六守節家貧事舅姑不怠撫  
穉子成立乾隆十六年 恩詔賞給絹米年八十三卒

辛石生妻朱氏萬載人年二十六夫亡家貧子幼族隣勸  
其改適朱剪髮明志矢死不二年八十二卒

俊魁妻宋氏萬載人年二十四夫亡孤甫八月依孀姑

以居以孝謹聞險阻備嘗教子成立卒年八十一  
盧之柏妻易氏宜春人年二十二夫沒未有子姑葉氏亦  
孀居無依氏泣曰媳在敢不為死者代終家貧守節以  
老閨年七十一卒

陳起蛟妻文氏萍鄉人年二十八起蛟卒姑老子僅一歲  
家故貧勤儉自持井臼親操少裕即賙貧乏不少吝守  
節三十二年卒

生員陳瑛妻辛氏郭鍾淑妻彭氏汪道堞妻辛氏施經龍  
妻辛氏萬載人年俱二十三夫故無子矢志靡他俱撫  
從子為嗣孝養舅姑守節年滿卒

袁州府志

卷二十七

列女

節孝

三

劉孔熹妻黃氏宜春人年二十二熹故無子撫從子為嗣  
矢志完節卒年六十同族劉炳智妻甘氏年二十七守  
節卒年五十二

生員湯之瑚妻楊氏萍鄉人年二十五瑚卒舅姑存撫二  
子以承色笑二子就外傳晨必遣問安否始出晚歸必  
一繞兩老膝下兩老未寢弗使寢起居食息無少離曰吾  
使其代父盡子職也勤儉和順數十年家內外不聞詬  
諍聲

監生湯大智妻劉氏宜春人年二十七守節立從子為嗣  
卒年五十一



生員劉之槐妻彭氏馮家璧妻劉氏年俱二十六守節宜春人撫孤有成年滿卒

王咏松妻張氏萍鄉人年二十四咏松卒立繼守節閩外嚴謹三尺童子不敢擅出入持家有制年近七十卒子若孫咸守成法

生員樂遇妻夏氏年二十四守節晏曰聰妻張氏年二十三守節黃樂三妻甘氏年二十七守節俱宜春人年滿卒

彭定幾妻劉氏宜春人年二十五夫歿屬以養母撫孤劉泣受命安貧守志者四十餘年年七十卒

袁州府志

卷二十七

列女 節孝

三

生員易龍賢妻唐氏生員劉之魁妻宋氏宜春人年俱二十四守節孝事翁姑撫孤成立

湯傳銘妻文氏萍鄉人年二十四傳銘卒養老姑撫幼孤而孤天慙夫祀斬復為其孤繼一子俾之成立苦節三十二年卒

監生張朝選妻郭氏萬載人年十六歸張二十而夫病瘵郭衣不解帶及卒遵遺命事親撫孤者四十年年五十九卒高正位妻郭氏守節五十五年壽八十卒

生員張日生妻姚氏萍鄉人日生卒年甫二十七與舅姑幼子相依為命當吳逆寇亂時奉老攜孤竄匿山谷間



十一卒龍呈橋妻趙氏年二十六夫故守節不渝  
貢生嚴宗朗妻張氏分宜人知州張聯珂女年十七歸宗  
朗時宗朗父開昶官御史祖父母皆年高不樂迎養氏  
相夫侍養先意承志氏年二十八夫故無子撫夫弟宗  
期子秉恭為嗣秉恭高安太傅朱文端公甥也未幾宗  
期物故妻朱氏亦惟秉恭一脉是賴與張氏保抱艱危  
卒至成立以延兩房世祀氏皆生長宦族秉性恬淡兼  
習作苦而清操勁節亦約同云

周桓侯妻蕭氏分宜人年二十一夫故無子家計窘甚十  
指養姑督學姚旌之妻袁氏年十八夫故無子

袁州府志

卷二十七

節孝

六

孝事老姑及祖姑撫育夫弟子為嗣俱守節三十有九  
年

楊瘦妹宜春人父秀六妻歿無子瘦妹語父曰吾姊妹二  
人俱嫁父將疇依請以妹字人光願終身膝下父異之  
如其言家貧勤女紅以養父終其身年七十四卒

